

910087 I

Mag. St. Dr.



NOYΘETIKON  
IN LAVDEM  
Eximiorum ac Ven. XXI. Virorum.

*Dum in florentiss:*

D. JAGELLONIS LYCÆO,

*A*

*Magnifico & Adm. Reuerendo Domino,*

D. IACOBONAIMANOWIC, I.V.D.  
ac Professore, Cathedr. Eccl. Crac. Canonico, Archi-  
diacono Pileceñ, &c. &c. Generali RECTORE  
& Procancellario Almæ Academiæ Crac.  
longe digniss.

Artium & Philosophiæ LICENTIATI in publica Clariss. Viro-  
rum luce, ac frequentia, renuntiarentur.

*A*

M. IOANNE CYNERSKI RACHTAMOWIO, Nouodwor.  
Dial. Profess. Contub. Hieros. Sen.

Honoris & obseruantiaæ ergò D.

Anno Dñi, 1632. Die 30. Martij.

CRACOVIÆ, Apud Franciscum Casarium.

✻ ✻ ✻ ✻ ✻ ✻ ✻ ✻ ✻ ✻

I N S T E M M A  
A L M Æ A C A D E M I Æ  
C r a c .



BIBLIOTHECA  
VNI. AC. CRACOV. MAG.  
910087  
I

*Ingeniosam aquilam Sceptris insculpsit amicis,  
Magno Tarquinius prouidus imperio.  
Docta Lycaea fouent duo Sceptra fauentibus astris  
Illis an maneat dicite promptus honos?*

Stephanus Tarlo, Palatinid. Lublinen.  
Stud. Dial.

*Imperium felix, Patriam cunctumq; Senatum*

*Hæc Sceptra ingenis dum inuiolata vigent.*

Hieronymus Potubiński, Dux à Lubno,  
Castell. Mścisław. Stud. Poef.

*Vnum Mercurius Sceptro gestauit ocellum,*

*Hic duo Sceptra, duo lumina adesse negas?*

Stanislaus Giżycki, Castellani. Cer.  
Stud. Dial.

*Sic bona posteritas Sceptris regnabit auitis,*

*Vt tuus ille fuit Diue Jagello fauor.*

Paulus Spokowski, Stud. Dial.

*Felix ingenium felicia vota Senatus,*

*Regia qua doctis, Sceptra dedere viris.*

Nicolaus Niezabykowski, Stud. Dial.

*Zoile frustra iterum reparato dente laboras,*

*Ingenium his Sceptris docta Minerua dedit.*

Ioannes Gratus, Comes à Tarnow,  
Stud. Poef.

*Ingenio Reges per regia symbola cerno,*

*Consilium dedit hoc ingeniosus honor,*

Valerianus Wilczgorzki, Stud. Gram.

*Ingenium Sceptris geniumq; tenemus amicum,*

*Rumpatur quisquis rumpitur inuidiâ.*

Simon Solecki, Stud. Gram.

AD

*Magnificum & Adm̄ Reueren̄ Dominum,*  
**D. JACOBVM NAIMANOWIC,**  
*I. U. D. & Profess. Cathedr. Eccl. Crac. Canonicum,*  
*Archidiaconum Pileceñ, &c. &c.*  
*Generalem Rectorem, & Procancell. Alme Uniuer-*  
*sitatis Crac. longe digniss.*

**M**æcenas teneræ dulce decus lyræ  
Mæcenas roseum lumen Apollinis  
Mæcenas resonæ lux Academiæ  
Mæcenas solidi præsidium boni  
Mæcenas Charitum Rector amabilis  
Mæcenas iuuenum norma Quiritium  
Mæcenas genij, dux bone, nobilis  
Mæcenas columen rebus in asperis  
Mæcenas gelidæ fulmen inertæ  
Mæcenas rigidæ flamma proteruiæ  
Mæcenas tacitis exitium hostibus  
Mæcenas generosi eloquij parens  
Expectata tibi carmina dicimus  
Omnes fausta tibi vota refundimus.  
Namq; vltro auspicijs cuncta fauent tuis.

Cathalogus

# CATHALOGVS

## DD. Licentiandorum.

|     |               |                      |
|-----|---------------|----------------------|
| 1.  | Ioannes       | Ryznar.              |
| 2.  | Laurentius    | Strzezovvski.        |
| 3.  | Ioannes       | Sadtovvski.          |
| 4.  | Damianus      | Paiecki.             |
| 5.  | Simon         | Suchynski.           |
| 6.  | Andreas       | Kucharski.           |
| 7.  | Stanislaus    | Domaszewvski.        |
| 8.  | Gaspar        | Gelafinus.           |
| 9.  | Sebastianus   | Falkovvic.           |
| 10. | Albertus      | Dambrovvski.         |
| 11. | Albertus      | Papencouius, Vstien. |
| 12. | Martinus      | Kempczynski, Vstien. |
| 13. | Stanislaus    | Ofedovvski.          |
| 14. | Ioannes       | Helcner.             |
| 15. | Gregorius     | Boruski.             |
| 16. | Christophorus | Wilkovvski.          |
| 17. | Michaël       | Behm.                |
| 18. | Lucas         | Wysogrodzki.         |
| 19. | Lucas         | Piotrovvski.         |
| 20. | Ioannes       | Grochalski.          |
| 21. | Adamus        | Broscius.            |

# NOYΘETIKON

## I.

**A** Pud priores vt agere memoratu digna pronum, magisq; in aperto erat; ita celeberrimus quisq; ingenio, ad prodendam virtutis memoriam, sine gratia, aut ambitione, bonæ tantum conscientiaæ pretio ducebatur. *Tacitus in vita Iulij Agricolaæ.*

## O D E I.

**F**elix ingenuo qui teneram supposuit iugo  
Cervicem, & solidis intrepidum finxit adoreis  
Pectus; nec facilem deseruit militiam puer  
Musarum, rigidam magnanimus pauperiem pati.

Non illum vacuo (grande malum) cecus amor sui  
Afflixit strepitu: non modicâ, Gnydia perfida,  
Fortem propositi, corripuit tabe libidinum:  
Nec consanguineus sollicitæ, iura proteruie  
Importuna bonis asseruit pectoribus stupor.

Altrix ingeniorum, imperij candidior parens  
Libertatis amor, præsidium, Sydus amabile  
Septem interq; Triones rigidi frigoribus poli,  
Pulchris ecce simul pignoribus præmia diuidit.

Faustis

*Faustis auspicijs ô urinam! dextro & Apolline*  
*Istud magnificum concelebret conditionibus*  
*Infractis opus. ô perdita gens; ô malè conscia,*  
*Probris, turba procul, perge procul prodigialibus,*  
*Ergo perge procul, perge procul, iam procul, ô procul*  
*Hinc discede, fuge, erûpe, fuge hinc te eripe. Namq; ego.*  
*Crudi Bambaliones ego vos carminibus Sacris*  
*Inuitos quatiâ, ne noceat, ne noceat novis*  
*Importuna lues vatibus ô ne noceat meis.*  
*Nil hic stammigeris nil valeat turbinibus furor*  
*Nil diris rabies inuidia armata cohortibus.*  
*Adsit Religio, Simplicitas, Candor & aureus:*  
*Musarumq; frequens arripiat vel Cytbaras chorus*  
*Vel buxos faciles, inde lyras, sistrâq; tinnula*  
*Clangentesq; modis, ad numeros, ductilibus tubas,*  
*Et spîret geminis, non tacitum carminibus melos.*

## N O Y ⊖ E T I K O N

I I.

**A** Phricanus Socraticum Xenophōtem in manibus semper habebat, cuius in primis laudabat illud, quod diceret, eosdem labores non esse æque grandes, imperatori, ac militi; quod ipse honos laborem leuiorem faceret imperatorum. *Cic. 2. Tuscul.*

O D E



# O D E I I.

**Q**uem tu Phæbe pater, semel  
 Nascentem roseo, lumine videris,  
 Illum non labor improbus

Subuertet rigidis conditionibus,  
 Audacis, tumidæ vices

Non fragent populi, precipiti dolo.  
 Non spes, non leuis aut metus,

Virtutis solidâ vertet ab orbita,  
 Musarumq; choro eximet.

Sed qui Sarmaticis urbibus affluit  
 Vastus flumine Vandalus,

Finget Castalijs nobilem adoreis!  
 Nympha dissociabili

Secernent populo, atq; inter amabiles  
 Vatum constituent choros,

Ne vulgi rabiem sentiat asperam.  
 O testudinis arbiter

Lentam qui inuidiam fortiter opprimis  
 O fractos quoq; spiritus

Erecture alacri, si libeat sono  
 Totum muneris hoc tui est,

Quod spernant lacera tela proteruia,

mb. 149  
Candoris Comites boni,  
Quod Musis placeant (namque placent)  
tuum est.

# NOYΘETIKON

## III.

**O**Mnes trahimur & ducimur, ad cognitionis, & scientiæ cupiditatem; in qua excellere pulchrum putamus; labi autem & errare, nescire, & decipi, & malum & turpe ducimus. Cic. I. Off.

## ODE III.

*Firmis nunc animis, nunc opus est pectore candido,*  
Ter septem egregij laude Viri pergite, pergite,  
Exornare bonis ingenijs Almam Academiam:  
Fælices etenim, fonte bono, tot bona commoda  
Deductis. Populi iam phaleras spernite inutiles,  
Robustos solidis pectoribus sumite spiritus.

*Firmis nunc animis, nunc opus est, pectore candido,*  
Non plausum tumidæ, plebis emetis, neq; posteris  
Fumosas titulis, nobilium luce Quiritium  
Vendetis tabulas; sed meritis vos quoq; gloriam  
Debetis memorem non tacitis ferre nepotibus.

*Firmis nunc animis, nunc opus est, pectore candido,*

Virtus ingenuis feminibus confociabilis  
Æternum decus, & tergeminos prorogat ordines:  
Fasces, imperium, nobiles cum legionibus.  
Virtus illa regit, quæ dominis pulueribus potens,  
Exprobrar merito non solitæ signa licentiæ.  
Hanc circum medijs stat meritis prouidus imperi  
Candor; quem placidis purpureus lambit Etesijs  
Risus, concilians non humiles ingenijs iocos.

*Firmis nunc animis, nunc opus est pectore candido,*  
Castæ sufficient Castalides insuperabiles  
Menti delicias ingenuæ: Vos modo pergite  
Sudantem interea compositi vertere pollicem  
Et certam vigilans ingenium ducere in orbitam.

*Firmis nunc animis, nunc opus est pectore candido,*  
Aspirate bonis Dij faciles mentibus indolem  
Aspirate nouis perpetuum pectoribus decus  
Felicesque dies ingenuis reddite sensibus.

## NOYΘETIKON

### IV.

**H**Æc studia adolescentiam alunt, senectutem oblectant, secundas res ornant, aduersis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur. *Cic. pro Archia Poeta.*

O D E IV.

Apollo ad Almam Academiam.

**A** Ge fortis, reparatrix bona, regni,  
 Preme docto, beneolentes, pede, flores  
 Tibi ridet comitantum chorus omnis legionum.

Tibi surgit resonantes dare laudes  
 Dea casti, moderatrix vaga, montis  
 Tibi cantus, tibi plausus, famulantur generosi.

Tibi puri sociantur iuga Vauli  
 Tibi Nymphæ fluviali vice saltant  
 Tibi longus Satyrorum salit ordo per apricum

Age pulchrum geminatis caput astris  
 Populari erige voto, erige mater,  
 Tibi surgit pretiosus numero laudeq; miles.

NOYΘETIKON

V.

**G** Aude meo, gaude tuo, gaude etiam publico nomine,  
 adhuc honor studijs durat. Studeamus ergo, nec de-  
 sidia nostræ prætendamus alienam. Sunt qui audi-  
 ant, sunt qui legant, nos modo dignum aliquid auri-  
 bus elaboremus. *Plin. Sec. lib. 4. epist. 16. ad Val. Pau-*  
*linum.*

# O D E V.

## siue Echo.

**V**otis cuncta fauent! Phæbe veni, Phæbe veni tibi  
 Mansuris graciles carminibus Vandalides canunt,  
 Arridet geminis Aöniiis verticibus chorus!  
 Iam per plana, per abrupta, per imperuia difsoni  
 (Quoscumq; trahit deciduus gurgite Vandalus  
 Vndarum rapidis agminibus littora verberans)  
 Plausus defiliunt. Insinuat vocis imaginem  
 Echo, cum reparatis properat cantibus vltimam  
 Laudem effingere; mox concipiens ore modos leues  
 Et mox ausa loqui non retinet verba fideliter.

Ergo cum resonis Vandalides carminibus Deæ  
 Certant, illa cauos voce sonos reddere pertinax  
 Pergit: Dum geminant ô Socij Viuite, Viuite,  
 Hæc clamore refert dissimili, **PERGITE, PERGITE.**  
 Rursum illæ repetunt ô Comites **PLAUDITE, PLA-**  
**DITE?**

**A VDITE!** illa canit. Pignoribus turba recentibus  
 Votis ergo faue (reddit **A VE**) tanta negotia  
 Multum laudis habent! (**A VDIS! HABENT:**) iam  
 resonabilis

Nymphæ, Phæbus adest, ô Comites, Phæbus adest ca-  
 nunt,

(**EST, EST,** hæc repetit) Phæbe faue dulce decus lyræ  
 (**IRÆ,** Echo resumit) Phæbe pater perge potētibus  
 Ornare

Ornare ingenijs (hæc GENIIS) Almam Academiam  
(IAM, IAM) Palladio quæ grauis est puluere! (VERE  
RE ait)

Virtutemq; colit non tacitam! (VITAM ait) inelytum  
In turbis Columen; (tum VRBIS ait LVMEN) amabile  
Regni præsidium, & temperies! (illa QUIES refert)  
Libertatis asyllum solidum, pacis adoreis;  
(REGIS congeminat) Nam iuuenes (illa SENES ait)  
Excelsis generosi meritis! (SCITIS ait) senes  
Fractos vt superent ingenio, non iuuenilibus  
Annis (GANNIS ait) fonte sitim Pyerio leuant  
(EDANT) sed satiant alma Lycæa? (addidit HÆC  
MEA?)

Olim condiderat quæ ille Iagello bonus? (intulit  
PATRONVS) Patriæ & dulce senatus decus optimi  
Hostis fulmen atrox perfidi? (at illa ore refert cauo  
VIDI) illum referent astra super lucida posteri?  
(VERI?) Qui bonitatis vel opes, vel bona publicæ  
Sortis non videat, pectore alit plusquam adamantinam  
Fibram! (HYDRAM Echo refert) Magnanimus quid  
Nouoduorsciis

An lentum peperit Sarmaticis ingenijs decus?  
Effusis tenerum cum inseruit feminibus bonum?  
Præfecitq; Deas indocili ludere puluere?  
(VERE? VERE? ait) ô Quid memorem Te decus au-  
reum

VLADSLAVI? Ecce ferunt ecce Tibi lilia candida  
Recentesq; rosas, & violas, & Casiam, & Crocum

Græ Castalides: & tumulum spargere floribus  
Mandant, & tumulo hæc verba modis ritè loquacibus  
Figunt. Relligione, ingenio, laude, fide potens  
Et candore bonus deposuit corporis hic sui  
Vates exuias, astra petijt mens generosior!  
Cælum & pro meritis in Patriam, remq; Academicam  
Cernit, quam memori restituit munificentia;  
Afsidetq; Tibi, purpureo nectare, Olesnici  
Fælix! laurigerum qui meritis prouidus arbiter  
Erexti penetral: Quod dolor heû! sed fugite ô fugite  
(Horresco referens) Ne pueri vos maneat malus  
Casus: ruderibus pars hiat hæc dissociabilis,  
Euibratq; graues cardo ruinas. (Dea iam MINAS!  
Clamat) Pyerios si quis adhuc restituat lares  
Auertatq; luem sollicitis corporibus grauem  
Victuris memorem carminibus Vandalides canent.



Literæ discuntur facile, si & tantum sumas, quantum  
opus sit & habeas qui docere fideliter possit, & scias ipse  
etiam discere: ita ut facilis usus doctrinâ confirmet, me-  
diocri opera tribuatur, memoria studiumq; permaneat.

*Cic. lib. 3. de Orat.*

Sunt qui scire volunt eo fine tantum, ut sciant & turpis  
curiositas est; & sunt qui scire volunt ut scientiam suam  
vendant, & turpis quæstus est; & sunt qui scire volunt, ut  
sciantur ipsi, & turpis vanitas est. Sed sunt quoq; qui sci-  
re volunt ut ædificent, & charitas est, & sunt qui scire  
volunt, ut ædificentur, & prudentia est. *DB.*





Faint, illegible text at the top of the page, possibly bleed-through from the reverse side.

Second block of faint, illegible text, also appearing to be bleed-through from the reverse side.



2118.21

